



mælkebøttestreet

Børne- og Ungehuset Mælkebøtten • Bo-enheden Ilasiasq • Bo-enheden Allu • Seqineq • Postboks 1335 • 3900 Nuuk • www.mb.gl

MÆLKEBØTTECENTERI SULISOQARNERMI PERIUSISSIAQ



Indhold

Mælkebøttecenterimi sulisoqarnermi periusissiaq	3
Siunertaq	3
Kikkuuvugut?	3
Aaqqissuussaaneq	4
Sulisussarsiorneq	4
Sulisunik oqaloqatiginninnerit	5
Atorfinineq	5
Kultur, naleqartitat aamma sulinermi tunngavissaq.....	7
Aningaasaqarneq	9
Naggasiineq	9

Mælkebøttecenterimi sulisoqarnermi periusissiaq

Mælkebøttecenterimi Sulisoqarnermut periusissiaq pisortaqatigiinnit ataatsimoortunit suliarineqarpoq. Sak-kussaavoq piukkunnarluartuq pisariaqartitsineq naapertorlugu aaqinneqarsinnaasoq aamma ulluinnarni sulinermi tunngavissaasoq. Periusissiaq suliffeqarfiup sanarfineqarneranik suleriaasianillu paasinninnissamut aamma pingaaruteqarpoq.

Siunertaq

Sulisoqarnermi periusissiaq sakkussatut isigineqassaaq maannamut aamma siunissami Mælkebøttecenterimi nukissat uagut anguniakkatsinnut suliassatsinnullu ataqatigiissinneqarnissaannut. Piginnaasat, nukissat aamma pisariaqartitsinerit soorunami isiginiarneqassapput taakkua saniatigut, suliffeqarfik pissanganartuq sulisunut tamaginnut ineriartornissamut periarfissiisoq qulakkiissavarput. Saniatigut siunertarineqarpoq ullumikkut Mælkebøttecenterimi suliniutit suut ingerlanneqartarnersut atorfinitsitsiniarnermi, tikinnermi, naleqqussarnermi, kulturimut, ineriartornermut atorfeqarunnaarnermullu tunngatillugit.

Kikkuuvugut?

Kalaallit Nunaanni Sulisitsisut peqatigiiffianni - maannakkut Sulisitsisut (GE) – siulersuisut inooqatigiinnermi akisussaaffimmik tigusiuaannarsimapput. 2002-mi GE-mi siulersuisut kissaatigaat meeqqat inuusuttuaqqallu sumiginnagaasut atugarissaarnerunissaannut suleqataaniarlutik – kiisalu annerusumik sumiginnaasoqarnissaanut pitsaaliueqataallutik.

Ajornartorsiutit qanoq annertutiginerat paasiniarlugu GE suliniummik aallartitsivoq ”Meeqqat inuusuttullu politiiit ulloq unnuarlu nalunaarsugaanni – kikkut aamma sooq?” Taassuminnga suliaqartoqarpoq suliamut tunngatillugu uppersaammik pitsaasumik tunngaveqarluni suliniarfissanik piareersaanissamut ineriartortitsinissamillu siunertaqarluni.

Misissuineq tunuliaqutaralugu, ullunik immikkut sammisaqarfiusunik ingerlatsereernerit taamatullu Nuummi suliamik ingerlatsisunik ataatsimiinnerit arlallit kingorna, ornittakkamik isumassarsiaq ilusissanippoq. Red Barnet, Nuuk Rotary Klub, Lions Club Nuuk aamma GE ataatsimoorlutik Nuummi meeqqat inuusuttullu iluannut taassuminngalu ingerlatsinissamut aningaasassarsiorput. Marsimi 2006 Mælkebøttecenteri meeqqanut inuusuttunullu ornittagaatigaluni qimarnguittut piviusunngorpoq. Illu, meeqqat inuusuttullu ulloq unnuarlu ikiortissarsiorfigisinnaavaat.

Meeqqat inuusuttullu Mælkebøttecenterimi inissinneqartut inooqatigiinnikkut aamma tarnip pissusianik misissuinermik ingerlatsiffigineqartarput, paasiniarlugu aggerfimminnit pitsaanerusumut ingerlaqqittariaqarnermut.


Inissiivissat amigaataanerit tunngavigalugu najugaqarfinnik marlunnik pilersitsinikuuvugut, Ilasiaq (2011-mi) aamma Allu (2014-imi). Illut marluk meeqqanut inuusuttuaqqanullu inooqatigiinnermik perorsaaneq aallaavigalugu angersarfimaffipalaartumik najugaqarfiupput. Immikkoortut tamarmik ataatsimoorussatut taaguutit Mælkebøttecenterip iluani ingerlanneqarput.

Tarnip pissusianik immikkut ilisimasalinnik amigaateqarnera pissutigalugu – pisortani aamma namminersortuni – Mælkebøttecenterimi namminerisamik tarnip pissusianik ilisimasalimmit siunnersuineq 2012-imi aallartinneqarpoq.

Aaqqissuussaaneq

Mælkebøttecenteri ingerlatsiviuvoq nammineq pigisoq aningaasaateqarfittullu nalunaarsorsimasoq.

Pisortaanerup aqutsineq tamakkiisoq akisussaaffigaa aamma ineriartornissamik eqqarsariartaaseq ingerlanneqarpoq taamatullu siunnerfeqarluni pisut aalajangersimasut tunngavigalugit aqutseriaatsimik ilaqartumik. Najugaqarfiit Mælkebøttecenterip aaqqissuussaanerata tamakkiisup iluaniipput. Mælkebøttemi – Ilasiami aamma Allumi - immikkoortortani pisortat tamarmik ulluinnarni aqutsineq aamma ingerlatsineq akisussaaffigaa, vicedirektørip ataani inissisimallutik. Allaffissornermi ingerlatsinermik tamakkiisumik suliarineqarpoq, suliat ilaatigut tassaallutik isumaqatigiissutit, akissarsiat, akissarsiat pillugit isumaqatigiinniarnertit, inissat il.il.



Sulisussarsiorneq

Nutaanik sulisussarsiornermi nunatsinni nunanilu allani tusagassiiviit atornerqartarput. Taamatutaaq internetti, uagut nammineq nittartagarput atuagassiallu assigiinngitsut aqqutigisarpavut. Pissut ilaanni suliffissarsiuussinermik ingerlatsiviit imaluunniit nammineq atorfinitsitsinerit aqqutigalugit sulisussarsisarpugut.

Sulisunik oqaloqatiginninnerit

Siullertut atorfinitsitsiniarluni oqaloqatiginninnermik ingerlatsinissami siullermi piareersarluarsimaneq pingaaruteqarpoq, taanna inunnik ataasiakkaanik oqaloqatiginninnernut ataatsimoorlunilu piareersarnermut aggulunneqarsinnaasoq. Inunnik ataasiakkaanik oqaloqatiginninnermut piareersarnermi qinnuteqaatinik CV-nillu atuarnissaq aamma qinnuteqartut akornanni toqqaanissami tunngavissat inissinneqassapput. Atorfinitsitsinerimik ataatsimiititami ilaasortat amerlanerit qullersaqarfimmi immikkoortortanilu pisortaausut, atorfinitsitsiniarluni oqaloqatiginninnerit ilusissaat, aqqissuunneqarnera apeqquutissatullu sinaakkutissat suleqatigiissutigisarpaat. Atorfinitsitsinerimik ataatsimiititaq aamma piginnaasanik pisariaqartitanik inissiisarput, "suna atorfissaqartipparput" aallaavigalugu. Allatut oqaatigalugu: suliamut piginnaasat aamma inuttut pisinnaasat qanoq ittut ujartorpavut?

Atorfininneq

Mælkebøttecenerimi atorfiit tamaasa pillugit atorfimmut atatillugu suliaasat allaeserineqarsimapput, tamatumalu saniatigut annertuumik suliaasaqarfiit akimorlugit ingerlatsinnaaneq anguniagaraarput. Meeqqanik inuusuttunillu ikiortariaqartunik sullissinerimik suliamut tunngasumik siammasissumik piginnaasaqarneq piukunnassutsitut isigaarput. Taamaattumik sulisut tatiginartut, akisussaassuseqartut, soqutiginnittut suliamullu tunniusimalluinnartut pissarsiarerusuttarput.

Atorfininnermut atatillugu oqaaseqaatit, meeqqanik innarliisimanginnermut aamma pillagaasimanginnermut uppersaatit pissarsiariniarneqartarput.

Atorfinivinneq sioqqullugu qaammatini pingasuni piffissaq misilinneqarfik ingerlanneqartarpoq. Piffissap misilinneqarfiup qeqqani pisortaq qaninnerusaq oqaloqatigineqassaaq, taamaaliornikkut ataatsimoorluni piumasagaatit suliallu ingerlanneqartup naatsorsuutigisanut naapertunna nallersinnaajumallugu. Piffissaq misilinneqarfik naammassipparput, aamma atorfinivinnissaq isumaqatigiissutigineqarpat, soraarnerussutisiasat peqqissutimullu sillimasiinerit atuutsilissapput Mælkebøttecenerimi sulisunut iluaqqusersuutit ilaattut.

Atorfinivinnermi atorfininnermut atatillugu isumaqatigiissut suliarineqassaaq, taassuma ilaatigut imarai akisarsiatigut atugassarititaasut, peqqissutimut sillimasiissut, soraarnerussutisiaqarnermut tunngasut, inissamik tunineqarsinnaaneq immaqa aamma pigisat nuunneqarnerat. Sulisunut atugassarititaasut allat isumaqatigiissut qanoq ittoq atuutsinneqalernersoq apeqquutaalluni assigiinngitsuusinnaapput.

Ukiuni marlunni atorfeqarnermi Mælkebøttecenerip pigisat nuunneqarnerat akilissavai, atorfininnermi taamatullu soraarnermi.

Isumaqatigiissut:

Sulisut perorsaasutut ilinniarsimasut NPK-mi sulinnermut atatillugu isumaqatigiissut atuuttoq naapertorlugu akisassersuisoqarpoq. Sulisut sinneri inuttut ataasiakkaarlutik suliamik inuusutissarsiuqartut isumaqatigiissutaannut assingusumik isumaqatigiissusiorfigineqartarput. Mælkebøttecenerimi atorfininnermi sulisut tamarmik atorfillit pillugit Inatsisartut inatsisaat nr. 11, 29. novemberi 2013-imeersoq naapertorlugu atorfinitsinneqartarput.

Qinnuteqartunut nalunaarutiginninneq:

Suliffinnut inuttassarsiuunneqartunut qinnuteqartut qinnuteqarnermut atatillugu oqaloqatigineqarsimasut, atorfinitsitsinerimut ataatsimiititamit ataasiakkaarlutik tamarmik nalunaarfigineqartarput.

Atorfininniartunut itigartitsilluta allakkatigut nalunaarutigisarput ima allanneqassaaq, Mælkebøttecenterimi atorfirmut qinnuteqarnermi itigarneq ajunngitsumik tiguneqarsinnaanngorlugu.

Atorfininneq aamma tikiinneq:

Suleqatissanik nutaanik pitsaasumik ilassininneq ilitseruinissarlu Mælkebøttecenterimi naleqartitat pingaartitat ilagaat. Suleqatit nutaat aallartikkaangata, sulisumik misilittagaqarnerusumik ilitseruisulerneqarput, taanna sulilernermi piffissaq siulleq nutaamut ilitseruisissaaq. Taamatuttaaq suliffeqarfimmi immikkoortortat tamaasa angalaarlugit sapinngisamik kikkut tamat ilassiartorneqassaaq.

Suleqatitaamut makkua tunniunneqassapput:

Pissaanermik atuineq pillugu inatsit
Ikuallattoqartillugu periusissiaq

Mælkebøttecenterimi makkununga malitassiaqarpoq:

Pinngortitami angalaarneq + unnuiartorneq

Seqineq-mik (Kapisilinni illuutitsinnik) atorneq

Apersortitsineq

Mælkebøttecenterip biiliutaanik angalaarneq

Umiatsiamik angalaneq

Sisorarneq

Naluttarfiliarneq

Sulisutut inissamik tunineqarneq

Upalungaarnissamut pilersaarussiaq

Mælkebøttecenterip biiliinik atorneq

Meeqqat inuusuttuaqqallu angusaqarniarluni angalaqatigineranni/atuanngiffimmi angalaqatigineranni sulisut peqataasut suaassusiisa agguataarneqarnerat

Piniarniarluni aalisarniarluni angallassisussanik pisinniarnarit

Meeqqanut, sulisunut suleqatigisanullu tunissutit.

Aamma tulliuuttut pillugit politikkinik inissiisoqarsimavoq:

Atoqateqartarneq pillugu politikki

Tusagassiorneq pillugu politikki

Qulaani taaneqartut tamarmik Mælkebøttecenterimi sulisunut najoqqutassiami allaaserineqarput, najoqqutasiaq nutarterneqartuartarpoq aqqissuunneqartuarlunilu. Aamma Suliffeqarfik pillugu pilersaarut kiisalu Sulisoqarnermi najoqqutassiaq sulisumut nutaamut tunniunneqassaaq.

Sulisup nutaap atsiornikkut uppernassassavaa, atortussat allassimasut tigusimallugit taamaaliornikkut paasi-simallugit ilisimasaqarfigalugillu uppernarsarlugu.

Piumasaqaatit assigiinngitsut isumagineqareerpata, pisortarisaq qaninneq peqatigalugu tikilluaqqusilluni oqaloqatigiinneq ingerlanneqassaaq. Oqaloqatigiinneq taanna ilaatigut Mælkebøttecenterimi naleqartitanik kulturimillu ingerlatamik imaqassaaq taamatullu pitsaasumik erseqqissumik qanilaartumillu aqutseriaaseqarnermik ersersitsinerussaaq.

Sulisunut nutaanut nunatsinni inooriaatsimik tunuliaqutaqanngitsunut kalaallit qallunaallu kulturikkut assigiinngissutaannik paasissutissiineq ukkatarineqassaaq. Mælkebøttecenerimi kulturinit assigiinngitsunit marlunnit pitsaanerpaat atornerqarput tamannalu ulluinnarni sulinitsinni nukittoqqutitut angisuutut isigaarput.

Ilisarititsineq aamma naleqqussarneq:

Sulisut nutaat sapinngisamik sukkanerpaamik "inissaminniissinnaaleqqullugit", ulloq ilisarititsiviusoq atuartitsiviusorlu tamarmik peqataaffigisarpaat. Tassani pisortaaneq Mælkebøttecenerip oqaluattuassartaanik saqqummiussisarpoq: "Allaffimmit qillarissumit suliffeqarfimmut ingerlalluartumut".

Taamaaliornikkut suliffeqarfik peqataaffigiligaq pillugu paasissutissatut tunuliaqutassat pitsaasut pissarsiari-neqartarput. Pisortaanerup aamma "meeraalluni imaluunniit inuusuttuaraalluni sumiginnagaasimaneq qanoq isumaqarpa", sulisut nutaanut ilinniartitsissutigineqarnera ingerlattarpaa. Taamaaliornikkut sulisut tamarmik uagut meerartatsinnik inuusuttortatsinnillu naapitsinermi paasinnittaatsimik ataatsimoorussamik sinaak-kutissaqarsinnaaqullugit. Tarnip pissusianik ilisimasalik aamma pisortaanerup tullia "meeqqat isiginnittaa-siat aamma eqqarsartaatsimiilersitsisarnerat" ilinniartitsissutigisarppaa, taanna tassaalluni ulluinnarni peror-saanermik suliaqarnitsinni peruserisarput eqqarsartaaserisarpullu.

Inuulluaqqusineq:

Mælkebøttecenerimi sulisoq soraarniuteqarpat allatulluunniit atorfimmit tunuarpat, atorfimmit tunuarnermi nalunaaruteqartussaataaneq nalinginnaasoq Sulisitsisut aamma atorfillit akornanni Inatsisitigut pissutsit pillugit Inatsisartut inatsisaat nr. 11, 29. novemberi 2013-imeersoq atornerqassaaq. Taassuma saniatigut sooraar-neq pillugu oqaloqatigiinnissaq periarfissaavoq, taanna suliffeqarfimmi pisortaanerup tullianit ingerlanneqas-salluni.

Kultur, naleqartitat aamma sulinermi tunngavissaq

Mælkebøttecenerip anguniagaasa ilaagaat meeqqanut inuusuttuaqqanullu sumiginnagaasimasunut inuuner-mi atugassarititaasunik pitsanngorsaassalluni, taannalu aqqutigalugu suli sumiginnagaqissinnaanermik pit-saaliuissalluni. Suliniutikkuttaaq ileqqut pitsaanngitsut kingornunneqartarnerat unitsinniarneqassaaq.

Uagut naleqartitat tunngavigaarput aamma meeqqanik inuusuttuaqqanillu sumiginnagaasimasunik sullissi-nitsinni pingaartippaarput: oqaloqatigiinneq, inuit akorniminni imminnut ataqeqatigiinnerat aamma akerleriin-nermik aaqqiinerit.

Mælkebøttecenerimi naleqartitat tulliuuttut aallaavigalugit suliamik ingerlatsivugut: akaarinnineq, sapiissu-seq, akisussaassuseqarneq aamma erseqqissuuneq.

Sapaatip-akunneri tamaasa pisortat ataatsimiinnerat, suleqatigiit ataatsimiinnerat, allaffissortut ataatsimiin-nerat, qullersaqarfiup ataatsimiinera taamatullu pisortaanerup tullia Mælkebøttecenerimilu tarnip pissusia-nik immikkut ilisimasallip ataatsimiinnerat ingerlanneqartarput.

Mælkebøttecenerimi ukiumoortumik sulisut tamarmik julefrokostertarput aamma sisorarfimmi ataatsimoor-luta anaalerisarpugut nuannisaqatigiilluta ualikkorsioqatigiittarpugut.

Immikkoortortat ataasiakkaat tamarmik ukiut pingajuat allortarlugu suliffeqarfittut naliliiffigineqartarput (APV).

Ukiakkut 2016 sulisoqatigiit akornanni aamma pisortaqatigiit akornanni sulisut sinnissaannik qinersisoqarpoq.

Mælkebøtteceneri inooqatigiinnermi akisussaaqataavoq aamma CSR Greenland-imi (Corporate Social Re-

sponsibility) peqataasutut ilaasortaavoq, ilaatigut najukkani CSR-ip aaqqissuussineri peqataaffigisarlugit. Taakkununga ilanngullugit avatangiisinut iluaqqutaasumik Nuummi ataatsimoorussamik illoqarfimmi saliilluneq, ass. eqqakkanik katersisarneq Saligaatsoq peqataaffigisarparput.

Nalliuttorsiortoqartillugu ass. inuuissioroqartillugu, meeqqat ataasiakkaat taamarmik immikkoortortani tamaniittut kaffisortitsisarput, immikkoortortat sinneri qaaqquneqartarlutik. Taakkua saniatigut najugaqarfiit ataatsimik, tallimanik, qulinillu ukioqalernerit taamatullu najugaqarfiit qulikkuutaanik ukioqalernerit nalliuttorsiutigineqartarput.

Ineriartorneq:

Mælkebøttecenerimi annertuumik maluginiagaraarput sulisut taamatullu pisortat ineriartortuarnissaat. Taamaattumik qaammatit pingajussaat tamaasa immikkut sammisaqarluta ataatsimiinnernik ingerlatsisarpuq. Immikkoortortani ataasiakkaani tamani sapaatip-akunnerit arfinillit qaangiunnerit tamaasa, sulisut pisortalu pisariaqartitsisut siunnersuinerimik ingerlatsiffigineqartarput. Taamaaliortoqartarpoq kikkut tamat piginnaasanik ineriartortitsiuarsinnaaqqullugit, meeqqanik inuusuttunillu sumiginnagaasimasunik sullissineq sulliamut tunngatillugu misigissutsikkullu unammillerneqartoqarmat.

Sulisut/pisortat oqaloqatigineqarnerannik ingerlatsinerni sulisut ataasiakkaat piffissami matumani sulinerat nalilerneqartarpoq, piffissamullu tulliuuttumut anguniagassanik inissiisoqarluni tullianillu malitseqartitsinissaq piffissalerneqarluni.

Mælkebøttecenerimi sulisut pisortallu ulluinnarni isumasioqatigiittarnerat pingaarteqaarput. Ataasiakkaarluta piginnaasatsinnik iluaqquteqarniartarnermut meeqqanik inuusuttuaqqanillu akisussaaffigalugit sullissinitsinni pingaaruteqaqaaq.

Mælkebøttecenerimi pisortat ukiumut ataasiarlutik marloriarlutilluunniit avataanit siunnersortimit pisortatut sungiusarneqartarput.

Mælkebøttecenerimi pisortanik sulisunillu piginnaangorsaajuarnerani makkua pingaartinneqartarput:

- Meeqqat isiginnittaasiannik ilinniarneq
- Eqqarsartaatsimiilersitsinerimik ilinniarneq
- Siunnersuinerimik ingerlatsiuarneq
- Suliat pillugit isumasioqatigiinneq aamma sulisut ataatsimiinneranni oqaloqatigiinneq
- Qaammatit tamaasa pisortat pisortaanermik aqutsineq pillugu isumasioqateqartarput aqutsinerimi unammilligassat aamma pisut aalajangersimasut tunngavigalugit aqutsineq pillugu
- Inuttut ataasiakkaatut qullersaqarfimmik oqaloqateqarnerup kingorna ilinniarnernik naapertuuttumik ingerlatsinissaq periarfissaavoq.

Taakkua saniatigut Mælkebøttecenerimi pisortat pikkorissarnernut ataatsimeersuarnernullu naapertuuttunut peqataasarput, soorlu ass. NFBO, Nordisk Forening mod Børnemishandling og Omsorgssvigt (NFBO, Nunat Avaannarllit Meeqqat atornerlunneqarnerannut sumiginnagaanerannut akerliuniaqatigiillutik peqatigiiffiat). Soqutiginnittunik allanik qanimut suleqatiginnittoqarpoq meeqqat pitsaanerumik inuuneqarnissaat ineriartortikkumallugu. Assersuutigalugu Mælkebøtteceneri suliniut Kattunneq peqataaffigaa, taanna arnat persutarneqarsimasut qimarnguiini pisortat sulisullu piginnaangorsarneqarnerannik ingerlatsiviuvoq. Kalaallit qallunaallu suleqatigiiffiat pineqarpoq Mary Fonden, Danner, nunatsinni qimarnguiit, Mælkebøtteceneri, OAK Foundation Denmark kiisalu Isumaginninnermut, Ilaqutariinnut, Naligiissitaanermut Inatsiseqarnermulu Naalakkersuisoqarfiup peqataaffigisaat. Taamatuttaaq ineriartortitsinerimik suliniut Naasoq suliaarput, taanna meeqqat 0-3-nik ukiullit angerlarsimaffigaat taamatullu angajoqqaat qulaajaaffigineqarnerannik kiisalu angajoqqaarsiat piginnaangorsaaqqinneqarnerannik ingerlatsiffiivoq.

Mælkebøttecenteri aamma Namminersorlutik Oqartussanit imissutit arlallit suliarisarpai.

Naliliinerit ilisimatusarlunilu suliniutit ukkatarineqaqaat. Mælkebøttecenterimi immikkoortortaqarfiit tamar-mik naliliiffigineqarnikuupput VIVE (siornatigut SFI) suliffeqarfimmik naliliinermik nalunaarusiaqarput. Nalilii-nermik suliniutit tamakkua tunuliaqutaralugit ingerlatsinerput nalimmassarsinnaavarput – taamatullu siunis-sami sunik pisariaqartiqaassalluta ilisimalerlugu.

Mælkebøttecenterimi pisortaaneq nunatsinni nunanilu allani attaveqarfinnik pilersitsissaaq annertusaallunilu. Taassuma saniatigut pingaartinneqarpoq sulisut tamarmik Mælkebøttecenterip attaveqarfigisaannut pitsaasu-mik inussuarnersumillu pissuseqarnermikkut isumassuissallutik ataavartitsissallutillu.

Aningaasaqarneq

Ineriartortitsinermik suliniutit, naliliinerit, ilisimatusarnek aamma paaqqinnittarfiutitsinnik pilersitsineq piviu-sunnngortinneqarsinnaasimavoq aningaasaateqarfinit, Kunngikkormiunit, suliniaqatigiiffinit, inuussutissar-siornermit inuillu ataasiakkaat aningaasanik tunniussaqaqarnersigut aamma katersinerisigut. Ukioq siulleq ingerlatsinermut aningaasat aamma pissarsiariniarneqarsimapput. Taamaattumik aningaasaqarneq immikkut mianernartuusimavoq, suliffeqarfittut allatuulli ingerlatsinissamut pisortanit aalajangersimasumik aningaasa-liiffigineqarneq ajoratta.

Maannali Mælkebøttecenteri inuiaqatigiinni patajaatsumik kisartoqqavoq. Ingerlatsivik nunatsinni sumiiffinit tamanit atornerqalerpoq aamma Namminersorlutik Oqartussanik ingerlatsinermut isumaqatigiissusiortoqar-simavoq. Taamatuttaaq kommunit meeqqanik inuusuttuaqqanillu sumiginnagaasunik inissiinermut atatillugu Mælkebøttecenterip kiffartuussineranut akiliuteqartarput. Tassunga ilaapput centerimi tarnip pissusianik ilisi-masalimmik oqaloqateqarnermik tunngaveqarluni katsorsaaneq naliliivigineqarnerillu..

Naggasiineq

*Unammilligassat inuunermik soqutiginnilersitsisarput
– taakkua qaangererat inuunermik isumaqalersitsisarluni*

Mælkebøttecenteri suliffeqarfiuvoq ajunngitsumik ingerlatsinermut ineriartortuarnissamullu piviusorsiorneq tunngavigalugu pilersaaruteqartoq, naammassisanik uuttorneqarsinnaasunik pingaartitaqartoq. Soorunami siullertut pingaarnertullu suliffeqarfiussaaq kissalaarnermik inissaqartitsinermillu peqarluartoq – naleqartitat inooqatigiinnermi inuiaqatigiinni najukkatsinni pissutsinik piviusunik aallaaveqarput. Aamma qaqugumulluun-niit meeqqat ataasiakkaat nukiffiat unammilligassaallu pingaartinneqartuassapput.

2016-imi qulinngortorsiorluta nalliuttorsiorsinnaasimavugut aamma ukiut ingerlaneranni uppersarparput suliniut pingaaruteqartoq pisariaqartorlu inuinnit takorluuisinnaasunit ukiut tusindelikkaat nikinneranni aal-lartinneqarsimasoq. Mælkebøttecenterip ineriartornera immi uppersaataissaavoq uagut siunertavut, nale-qartitavut aamma takorluukkavut tunngavigalugit paaqqinnittarfimmik pitsaasumik ingerlatsisoqarsinnaanera-nut. Taakkua sulisoqarnermut periusissiaq aqutugalugu aamma tapersorsorneqassapput ineriartortinneqar-lutillu.



mælkebøttestreng

Børne- og Ungehuset Mælkebøtten • Bo-enheden Ilasiaq • Bo-enheden Allu • Seqineq • Postboks 1335 • 3900 Nuuk • www.mb.gl

